



PROPOSTA DA ALCALDÍA RELATIVA Á DELEGACIÓN DE COMPETENCIAS DA XUNTA DE GOBERNO LOCAL DO CONCELLO DE PONTEVEDRA NOS CONCELEIROS E DIRECTORES XERAIS.

O artigo 127 da Lei 7/1985 reguladora de bases de réxime local establece a posibilidade de que a Xunta de Goberno Local delegue nos membros aos que fai referencia no seu apartado segundo. Así mesmo, o Regulamento Orgánico do Goberno e da Administración do Concello de Pontevedra prevé esa posibilidade no seu artigo 22.

Polo tanto a vista da facultade legal prevista na lexislación de réxime local, propoño á Xunta de Goberno Local a adopción do seguinte ACORDO:

Primeiro.- Delegar nos seguintes concelleiros e directores xerais, as seguintes competencias:

1) En don Raimundo González Carballo:

- a) A iniciación dos expedientes de contratacións e concesións, salvo en materia de patrimonio municipal.
- b) Os contratos menores en tódalas súas fases.
- c) A adxudicación dos contratos.
- d) A sinatura de tódolos contratos e concesións administrativas, previa autorización e disposición do gasto.
- e) O desenvolvemento da xestión económica, a autorización e disposición de gastos que sexan competencia da Xunta de Goberno Local, salvo aqueles expedientes cuxa autorización e disposición de gasto se realice simultaneamente na Xunta de Goberno Local ao aprobar o asunto.
- f) As contratacións en todos os seus trámites relativas ao subministro da enerxía eléctrica.
- g) A aprobación dos proxectos de obra e, de seren necesario, a realización de requirimentos aos adxudicatarios para a formalización dos contratos
- h) A aprobación das certificacións finais de obra así como das actas de recepción e de conformidade.

2) En don Vicente García Legísima:

- a) A xestión do persoal.
- b) As decisións de persoal que non lle correspondan a outro órgano e sexan susceptibles de delegación de conformidade co artigo 127.1.h) e 127.2 da Lei reguladora de bases de réxime local, excepto as bases das convocatorias de selección e provisión de postos de traballo, o despedido disciplinario do persoal laboral do Concello de Pontevedra e o réxime disciplinario.
- c) A iniciación dos expedientes de contratacións, adquisicións e alleamentos dentro do ámbito do patrimonio municipal.
- d) A resolución dos expedientes de reposición da legalidade e sancionadores que se tramiten ao abeiro da normativa reguladora da tenencia de animais potencialmente perigosos.
- e) A concesión, denegación e modificación das licenzas ou autorizacións legalmente procedentes para o exercicio da actividade de venda ambulante, nas súas distintas modalidades.
- f) A resolución dos expedientes de reposición da legalidade e sancionadores que se tramiten ao abeiro da normativa reguladora da venda ambulante.
- g) As autorizacións e posta a disposición de bens municipais e cesións de uso ata un ano.

3) En dona María Carme da Silva Méndez:

- a) A resolución dos expedientes de reposición da legalidade e sancionadores relacionados coas actividades, establecementos ou industrias sometidos a calquera tipo de licenza municipal de apertura, é dicir, sexan inocuas, clasificadas segundo o Decreto 133/2008, do 12 de xuño polo que se regula a avaliación de incidencia ambiental ou incluídas no ámbito de aplicación do RD 2816/1982.
- b) A resolución dos expedientes de reposición da legalidade e sancionadores que se tramiten ao abeiro da normativa medioambiental, competencia do Concello.
- c) A resolución dos expedientes de reposición da legalidade e sancionadores que se tramiten ao abeiro da normativa reguladora das actividades anteriores, competencia do Concello.
- d) A concesión da totalidade de licenzas urbanísticas que teñan a consideración de obras ou

instalacións menores, segundo o precisado polo art. 195.3 da Lei 9/2002, de Ordenación urbanística e protección do medio rural de Galicia.

e) A concesión das licenzas de apertura de establecementos inocuas, isto é que non sexan susceptibles de clasificarse ao abeiro do Dto. 133/2008, de 12 de xuño, por el que se regula a avaliación de incidencia ambiental. Tamén se exclúen as relativas a obras, actividades ou establecementos sometidos ao RD 2816/1982.

Non obstante, sí é obxecto de delegación:

-A emisión dos informes municipais previos á cualificación das actividades clasificadas polo órgano competente da Comunidade Autónoma.

-A concesión de autorizacións puntuais para actos cualificados ao abeiro dos anteriores Dto. do 30.11.1961 e RD 2816/1982, sempre e cando non se trate de actividades ou instalacións de carácter permanente que esixan da concesión de licenza que deba de tramitarse segundo os anteriores.

f) A concesión, denegación ou modificación das autorizacións precisas para a ocupación das vías públicas, como pasaxes permanentes, veladores, casetas, e demais que teñan a consideración de ocupacións privativas destas vías que se efectúen con instalacións desmontábeis ou bens mobles, e cuxa duración, excepto as pasaxes permanentes, non exceda de 4 anos.

g) A autorización de ocupación de espazos públicos municipais necesarios para a execución de obras suxeitas a comunicación previa urbanística e licenza urbanística de obras.

4) En **don Luis Bará Torres**

a) A concesión, denegación e modificación das licenzas relativas aos auto taxis e transportes en xeral, así como a emisión dos informes nestas materias para o outorgamento das oportunas autorizacións por outras Administracións.

5) En **dona Pilar Comesaña Hermida**

a) O outorgamento, denegación e modificación de licenzas en materia de tenencia de animais potencialmente perigosos.

6) En **dona María do Carme Fouces Díaz:**

a) O inicio dos expedientes e o acto de outorgamento de concesións demaniais de nichos, columbarios e demais unidades de enterramento dos cemiterios municipais.

7) No **director xeral da Área de Urbanismo e Servizos Xerais.:**

a) As competencias en materia de aprobación de plans de seguridade e saúde e plans de xestión de residuos sólidos de obra nas obras que se contraten polo Concello de Pontevedra.

Segundo.- A Xunta de Goberno Local, en calquera momento, poderá asumir as atribucións delegadas por este acordo, sen prexuízo de poder avogar en calquera momento as competencias delegadas de conformidade coa lexislación vixente sobre procedemento administrativo común.

Terceiro.- Os concelleiros e directores xerais que ostenten algunha delegación, non poderán delegar nun terceiro as atribucións que lle confire a Xunta de Goberno Local.

Cuarto.- Os actos ditados polos concelleiros delegados e directores xerais, no exercicio das atribucións delegadas, enténdense ditados pola Xunta de Goberno Local, segundo corresponda á delegación, atribuíndose expresamente aos concelleiros delegados e directores xerais a resolución dos recursos de reposición interpostos contra os actos por eles ditados.

Quinto.- As precedentes delegacións deberán ser aceptadas por parte dos concelleiros e directores xerais, entendéndose aceptada tacitamente se no prazo de tres días hábiles non hai expresa manifestación rexeitando a delegación.

Sexto.- A iniciación dos procedementos sancionadores por infraccións ás normas urbanísticas, medio ambientais, de seguridade cidadá, ordenanzas e similares que son competencia da Xunta de Goberno Local, efectuarase pola Xunta de Goberno Local, e a imposición das sancións que correspondan, polo Concelleiro responsable da área de urbanismo.

A instrución dos procedementos sancionadores en materia de urbanismo, medio ambiente e seguridade cidadá competencia da Xunta de Goberno Local e o traslado destes actos, a partires do día seguinte a data deste acordo, corresponderalle ao Xefe do Servizo ou ao Técnico de Administración Xeral do Servizo de Disciplina Urbanística, Medio Ambiental e Policía Administrativa,



actuando como secretario dos expedientes un funcionario do Servizo. O instrutor e o secretario serán nomeados no acordo de iniciación do procedemento pola Xunta de Goberno Local.

Os recursos de reposición contra as sancións impostas resolveranse polo Concelleiro responsable da área de Urbanismo.

Sétimo.- Notifíquese a presente resolución, persoalmente, ós señores Concelleiros interesados, dese conta ao Pleno da Corporación na primeira sesión que celebre, e publíquese no Boletín Oficial da Provincia, todo elo sen prexuízo da súa efectividade dende a súa aceptación.

Pontevedra, 13 de xuño de 2015

O Alcalde

Miguel A. Fernández Lores